



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manuale Sodalitatis B. Mariae Virginis. siue Exercitium Spirituale Christianae Pietatis**

**Véron, François**

**Coloniae Agrippinae, 1505 [i. e. 1605]**

2. Leges Congregationum B. Virg.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

LEGES CONGREGATIONVM B. VIRGINIS,  
*quæ in Collegijs Societatis IESV instituta, atq; à Sede Apostolica approbata, varijs Indulgentijs, & gratijs exornata sunt, ex Romano exemplari paucis comprehensa.*

## I.

**C**VM beatissima Virgo Dei mater huius Congregationis patrona, illam defendere, ac fouere existimanda sit, quippe misericordiae mater, quæ se diligentes diligit, & ad eam piè ac religiosè confugientes tueatur, ac protegat; propterea par est in primis, vt eiusdem Sodales non modò illam præcipua veneratione atque honore prosequantur; Verùm etiam vitæ morumque integritate, virtutum illius præstantissimarum exempli imitari conentur; atque vt sepiùs inter se agentes, mutuò se ad eius amorem & cultum studeant impellere, & ardentem quandam in suis animis excitare cupiditatem sanctissimi illius nominis extollendi.

I. Sodalitatem administrabit vnus ex Patribus Societatis IESV, & Præfectus ipsius Congregationis duorum assistentium ope

ope atque consilio. Accedet his præterea Secretarius vnus, alijque duodecim, vbi sit numerosa Sodalitas, vel sex; vbi fuerint pauciores; quorum erit officium ac munus Præfecto in consultationibus, & in administranda Sodalitate præsto esse. Quare debitum illis omnes honorem deferet pro cuiusque dignitate, & in rebus ad Sodalitatem pertinentibus obtemperabunt.

III. Quoniam huius Congregationis finis est virtus, pietasque Christiana, & in litterarum studijs progressio; ad quem finem assequendum, sacramentorum sanctissimorum frequentia perutilis est: ideo quicumque dare nomina Sodalitati voluerint, antequam recipiantur; Generali confessione, totius vitæ delicta expiabunt, si id numquam egissent antea; vel certè, quæ à postrema generali confessione peccata commiserint, confitebuntur: Nisi tamen confessio huiusmodi iustis de causis omit- tenda, vel differenda, Confessarij iudicio, videretur. Deinde Sodales omnes confitebuntur peccata, & sacram Eucharistiam sument primo quoquo Dominico cuiusque mensis: Præterea verò idem agent certis quibusdam Domini nostri, eiusque sanctissimæ matris Festis diebus atque solem- nibus; Natali videlicet Christi die, Circun- cisionis, Resurrectionis, Ascensionis, Petri

costes, & Corporis Domini: die immaculatae Conceptioni B. Virginis sacro, itemque eiusdem Natali, & Annunciationis festo, die Purificationis & Assumptionis; die autem Natali vel sancti Ioannis Baptistae, vel sanctorum Apostolorum Petri & Pauli; dieque Sanctorum omnium solenni. Potest tamen aliquis ex diebus his Festis enumeratis, loco primae cuiusque mensis diei Dominicae, sumi; si quando in eandem Dominicam Festus ille dies incideret, aut ab illa certè non procul abesset. Officiales tamen praecipui, qui supra recensiti, Poenitentiae, & Eucharistiae Sacramenta plus aliquanto quam alij frequentabunt, si illorum Patri spirituali videbitur.

III. Dominicis diebus vnà omnes conuenient, ac horam circiter in agendo de rebus spiritualibus ponent, ea ratione quam Pater Societatis, qui Sodalitatem administrat, & Praefectus Sodalitatis praescribent.

V. Antequam agendi quicquam in conuentibus initiū fiat; pronuntiabitur hymnus sancti Spiritus, cum eiusdem Antiphona, versiculo, & oratione: item aliqua recitabunt ex Antiphonis cum versiculis, & oratione beatæ Virginis earum, quas in extremo eiusdem officio Ecclesia sacrosancta pro varietate temporum adhibere consuevit. Congregationem verò concludent  
vel

vel eiusdem Virginis Litanie, vel hymnus  
Aue Maris stella, cum oratione, Defende  
quæsumus, &c.

VI. Quotidiè quoad licebit, Missæ sa-  
crificio intersint: sumpta verò dictis supra  
diebus sacra Eucharistia, quartam horæ  
partem in precatione mentali seu vocali,  
pro sua quisque commoditate ac deuotio-  
ne collocabit.

VII. Quotidiè manè, vbi è lectulo sur-  
rexerint; posteaquam Deo pro acceptis ab  
eius diuina maiestate beneficijs, tum gene-  
ralibus, tum præcipuis ac proprijs gratias  
egerint; ter orationem Dominicam, & An-  
gelicam salutationem, in honorem san-  
ctissimæ Trinitatis pronuntiabunt, semel-  
que symbolum Apostolorum, & Salve Regi-  
na, præter alias pias preces, quibus vti quis-  
que de confessarij consilio poterit. Vespè-  
ri autem antequam se ad quietem, somnū-  
que conferant, primùm quidem conscien-  
tiam examinabunt, deinde verò ter Pater,  
& Aue, ac semel Psalmum, De profundis,  
pro defunctorum animabus pronuntia-  
bunt.

VIII. Suadetur autem omnibus; quo-  
niam ipsi maiorem quandam perfectionē  
quàm cæteri profitentur; vt maius quo-  
que studium in actionibus pijs & Christia-  
nis adhibeant; cuiusmodi essent: sæpius

peccata confiteri, crebriusque ad sacram Christi Corporis mensam accedere, Officium beatæ Virginis, aut Rosarium recitare, mentali orationi nonnihil temporis tribuere, die Sabbati Litanias beatæ Virginis recitare: carcerem itidem, nosocomia siue Hospitales domos visere, Christianæ doctrinæ elementa rudibus explicare, aliæque id genus pia obire munera; in quibus vel pro sua quisque conditione, & pietate separatim, vel cuncta simul Sodalitas poterit exerceri: quemadmodum Pater, qui Sodalitati præest, instituerit, atque suaserit, superiore Collegij approbante.

IX. Cùm è Sodalibus aliquis ægrotauerit; eum tum Præfectus inuisendum, & sanctis Ecclesiæ Sacramentis muniendum curabit: tum omnes Domino suis precibus commendabunt. Quòd si eum contigerit è vita discedere, Sodales illius funus ad sepulturam prosequentur. Deinde quo primùm die commodum fuerit, mortuorum officium pro eodem, vel simul omnes in oratorio, si fieri possit, recitabunt; vel certè per se vnusquisque separatim. per octo autem dies Psalmum De profundis cum oratione pro defunctis pro illo dicent semel quotidie singuli. tota denique Sodalitas Missæ defunctorum sacrificium

ficium pro eius anima semel saltem offerendum curabit.

X. Si quem à loco, in quo Sodalitas est, recedere contigerit, Patrem admoneat, aut Præfectum: quod si commodè possit, à tota quoque Congregatione aut Præfecto litteras patentes poscat: ut ab alijs quoque Sodalitijs, quò se fortè sit collaturus, tanquam vnus è Sodalibus recipiatur. Et quoniam velut vnus adhuc è Sodalium numero, etiam absens, meritorum sodalitatibus est particeps; æquum erit, vt interdum de se, suisque rebus faciat reliquos certiores, ac se se Sodalium precibus commendet,

XI. Se inter se omnes vera, & sincera caritate diligant, curentque vti pacem, fraternamque concordiam tueantur; atque vt indies in veris Christianisque virtutibus progressum faciant. Vt hoc autem facilius assequatur, plurimum proderit Sodalitatis conuentus frequentare, eiusdem exercitationes non prætermittere, cum ijs crebrò versari à quibus iuuari possint, improborum consuetudines, & quascunq; occasiones vitare, vnde illis detrimentum aliquod posset adferri: (quales ludi sunt, rixæ, cõcentrationes, murmuraciones, aliaq; incommoda, quæ bonum Sodalitij nomen & existimationem labefactant.) Sed enitã-

tur potius vt in consuetudine, morum honestate, in actionibus denique omnibus ita se gerant, vt eos dignos esse quilibet arbitretur, qui sint in beatissime Virginis tutela, in cuius congregatione versantur.

XII. Quo facilius hæc statuta legesque seruentur; non modò quisque eas apud se domi habeat & subinde legat; sed quoties Præfectus nouus, ac reliqui Officiales deligentur, publicè in Oratorio recitentur. Conentur porrò quisque illis parère quàm diligentissimè.

**BREVE COMPENDIUM  
INDVLTENTIARVM CON-  
gregationis B. Virginis, à Sede  
Apostolica concessarum, ex Bul-  
la eius erectionis excerptum.**

**INDVLTENTIA  
PLENARIA.**

**I.**

**Q**uo die in Sodalitatem quispiam recipitur, si verè pœnitens & confessus fuerit, eodemque die Sanctissimum Eucharistiæ Sacramētum sumpserit, in Ecclesia vbi prædicta Sodalitas fuerit, vel vbi potuerit, Plenariam omniū  
pecc-